

## OSNOVNOM SUDU U DOBOJU

Na osnovu člana 43. stav 2. tačka z. i člana 241. stav 1. Zakona o krivičnom postupku Republike Srpske, podižem

### OPTUŽNICU

**PROTIV: RISTIĆ DEJANA** zv. „Rile“, rođen 1993.godine u D.M., opština Gradačac,

#### ŠTO JE:

U vremenskom periodu od 01.08.2020.godine do 08.02.2021. godine u D., kao službeno lice, generalni sekretar PFS D., a i nakon što je dana 08.02.2021. godine Izvršni odbor PFS D. donio odluku kojom ga razrješava dužnosti generalnog sekretara i imenuje na mjesto tehničkog sekretara, faktički nastavio obavljati poslove generalnog sekretara, te u namjeri da sebi pribavi korist, prekoračio granice svog službenog ovlaštenja, na način da je postupao suprotno odredbi člana 49. stav 4 Statuta PFS D., tako što je bez odluka Izvršnog odbora i Skupštine PFS D. u više navrata trošio novac PFS D., pa je tako nabavljao gorivo za putničko motorno vozilo marke „Ford“ tip DWF, model Focus, vlasništvo R.D., registarskih oznaka ..., a koje vozilo je koristio R.D., bez izdatih putnih naloga u ukupnom iznosu od 5.422,01 KM, plaćao račune u ugostiteljskim objektima i trgovačkim radnjama u ukupnom iznosu od 3.743,70 KM, utrošio 600,00 KM za navodne donacije i 400,00 KM za humanitarne namjene, da bi i nakon prestanka radnog odnosa u PFS D. dana 30.06.2021. godine, u dva navrata u julu mjesecu 2021. godine izvršio plaćanje „Visa“ karticom PFS D. računa u ugostiteljskom objektu u ukupnom iznosu od 140,00 KM, pričinivši na takav način štetu PFS D. u ukupnom iznosu od 10.305,71 KM

**dakle**, kao službeno lice prekoračenjem granica svog službenog ovlaštenja pribavio sebi korist i time drugom nanio štetu, a djelom je pribavljena imovinska korist u iznosu koji prelazi 10.000,00 KM,

**čime je** učinio produženo krivično djelo zloupotreba službenog položaja ili ovlaštenja iz člana 315. stav 2 u vezi sa stavom 1 i članom 57. Krivičnog zakonika Republike Srpske.

OKRUŽNI JAVNI TUŽILAC

**Napomena:** „Podizanje optužnice protiv određene osobe ne znači da je ta osoba zaista i odgovorna za počinjenje krivičnog djela. Prema principu presumpcije nevinosti, svako se smatra nevinim za krivično djelo dok se pravosnažnom sudskom presudom ne utvrdi njegova krivica“.